

Te taata toa, e ere te Tavana e te haava, o tei hanaaro i te hoe hohoa o tei enei vaa, aua mai ia e 3 farane no na avae eloru.

Faaau mai ia Tepito te nei parau i Papeete.

TE VEA NO TAHITI.

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha loa.

O te feia hoo taoo, e te mau taata e haapao i te tani raa taoo, e tia ia ia nenei atoa hia ta ratou mau parau faaite i roto i reinga. Fea, ia aua mai ratou i farane no te reini hoe.

Faaau mai ia Tepito te nei parau.

PAEPU PARAU NO TE HAU.

FAATOROA RAA.

No te faatia raa a tona hanahana, te Arii vahine o te mau fenua Totaite, e te Tavana, te Anvaha o te Emepera.

Ua faatoroa hia o Marii ei mutoi no te matacinnaa ra o Papeete, ei mono ia Ototoo i faore hia aenei.

E aua te Tavana, te Anvaha o te Emepera na teienei taata toroa ei utua no tona toroa i na farane e toru hanere e ono ahuru te matahiti hoe.

E papaibia te hohoa o teienei parau toroa i te biopoa raa, e i te fare toroa o te ee.

Papeete, te 1 no Tetema 1853.

Te Arii vahine o te mau fenua Totaite,

Te Tavana, te Anvaha o te Emepera.

Papaibia: POMARE.

Papaibia: PAGE.

Papaibia te hohoa i te fare toroa o te ee,

Te ee o te Tavana,

Papaibia: BUIOT.

Apoo raa i te mahana 27 no Tihuu.

Peretiteni raa no Tairapa.

Mare. Te faore nei outou i tana ture tabito na tatou ra, no te mea, te taia ra outou i te moni; ei moni to teienei anota e oti ai te mau ohia toa. E na hea ra te taata ia opua oia i te hoe fare umi nona; e mata na oia i te auatu, e te faaumu i na puua rarahi niho pii na te ato no tana fare nona ra. E na hea te taata i mana, e taoto i te vahine e mata na oia i te imi i te unuina e te faaumu i te puua, no te oia faaipoipora. Oia toa hoi te taata parau fenua e mata toa oia i te imi i te ravea no tana parau raa fenua tana e opua raa oia hoi te moni no te haava raa, e na te mau ite. Ahiri te hoe taata e parau mai na i roto i teienei apoo raa, e faore atu i te moni a te iriti ture, e tia aenei ia outou? E mauruuru aenei outou iana? Hoe aloa huru, e mea robirahi na te ite i te haere noa raa mai, mai te mau matacinnaa roa a, mai Teahupoo e Tautira; te hoe ite, e taata i... te tahi e taata paruparu, e e pohe oia i te haere noa raa mai, eaha to outou manao i te reira taata paruparu? E ore aenei outou e aroha i tui iana. Te vai nei te irava ture, tei faane mai i te haava, e faautua i tana taata i hapa ra, i te utua no te haava ra, e ahiri haapao maitai hia, e mea rahi roa ia te moni no te haava raa.

Maitoro. Na tei hore ra, e aua i ta te toohitu.

Teatoto. E haapao tatou i te ture tabito, afira i reira.

Poroti. Na tei hore ra, e aua i ta te toohitu e ta te mau ite atoa.

Peretiteni. E aha e homa e hore haere noa i tera parau e tera parau, e imi ra tatou i te tui hia mai mua ia tatou i teienei mahana. Aore ia vahi i parau hia e na tei hore e aua, e na tei roa tu iana te fenua ra e aua. Te vahi i tui hia mai maori ra te faahuru e raa i ta tatou ture tabito, te rahi raa o te moni e tia ia aua na te ite. Te manao nei ra vau, e ture maitai rahi te ture i oti, e aua ia tatou, ia haapao i te reira.

Peue. Ia pii ae tara, hoe ahuru farane ta te ite boe, e ia hoe ae ahuru i te mau matacinnaa toa.

Nuutere. Na tei ere ra, e aua i teienei moni, ei utua nana; e e ha-pao hoi tatou i te ture tabito, tei faa faito maite i te maoro e te potu raa o te fenua e haere hia mai e tana ite ra. Mai te mea no Teahupoo te tahi, e no Faa te tahi, e ore ia e tia ia hoe ae a huru o ta tana moni.

Peretiteni. Ua na te ravea e ua faatia paatoa to te apoo raa, e haere i te ani raa, e haapao i te ture tabito.

E ua faane oia ia Ote, te aua o te komite, e taio mai i te ture anihia mai e to te Tuamotu.

Ote. Ua taio mai bia i tana ture ra, mai teie te huru: « e haapao te taata toa i te hoo mau i faaite hia no te mori te parau e te apaa. Te hoo i haapao hia no te mori, e piti ohe, hoe tara, to te opana ra, e pae ahuru hoe tara. » Te huru ia e homa o tana ture i ani hia mai e to te Tuamotu nei. Te manao nei ra te komite i te huru o teienei feia, e te aroha nei hoi ia ratou, no te mea ua ite ratou, e te ino ra ratou i roto i ta ratou ra mau hoo raa. Ua rahi roa to ratou hoohepo i te imi raa i te ravea e au no tana mau hoo raa na ratou ra, e ua manao ratou, e ore e tia ia faatia ei ture; no te mea, tei te taata toa e te taata i hoo mai te parau no ta raua hoo raa. Teie ra te vahi hopeniimi hia e ratou, e tuu i teienei parau i te hau ra, e na e imi iho i te hoe ravea, ei haamaitai raa i to tatou mau hoa i te Tuamotu.

Paete. E parau imi taata mau, aita tu ra e ravea, e haapao mau i te hinaaro o na taata toa, tei ia raua iho.

Teatoto. Te titau nei ratou ia faa ture hia ta ratou mau taata, e ore e tia i to'u nei manao, no te mea, aore atoa ia tatou mau taata i na reira hia. Te haapao noa nei tatou i to te feia toa hinaaro, tei hoo atu e tei hoo mai.

Pahua. Aore a te mau taahoa i teienei i tana hoo raa i ta matou mau taata; no reira matou i maua ai e afai mai i teienei ture i faaora ia matou. Ua ite noa outou e ere teie te matamua i te afai raa i mai, o ta matou noa iho e teie ture i opua i te mau matahiti atoa. Mai te mea i ore i tia ia outou te faatia ei ture, e ia ore outou ia imi i te hoe ravea e ora i mateu; eiaha ia e tia ae ia matou.

Ote. Eiaha ia moe ia outou te hoe mau parau iti i faaite hia i tui outou e te komite, inaha te faaite pahu atu ra ia outou, e ua hoohepo roa ratou i te imi raa, e no reira i lupu ai to ratou manao, e farii tia i te hau ra, nana e imi i te ravea ei haamaitai raa e ei faaora ia outou i tana na ati.

Teahu. Oia mau, e vahi imi taata rahi teienei ani raa e titau hia mai e to te Tuamotu nei. Aita tu ra e ravea, e haapao atoa ratou i ta tatou nei mau ravea, aore hoi ta tatou mau taata i faature hia, e vahi noa hia nei tei te taata toa ra toha hinaaro, e na reira toa ratou, ei faatia ta ou mai te faaite hia mai e te komite nei.

Maro. E vahi huru e roa na ta te komite, atia ra ia tui hia i ta ratou ra, e imi ratou i te mau vahi atoa e maramarama i tatou to te apoo raa, e na tatou e faati roa i naha hoi teie te tui faahou nei te hoo ra tehea ra, ia irava ture?

Vairaoe. Mai roto mai a i te hau o Bona ra to'u afai raa mai i teienei ture, e aita e vahi i roa mai. E i teienei, ua imi aenei outou i tana parau nei, ua mauruuru roa vau; te farii nei au i ta hau ra, penei ae te vai ra te ravea ei rapaau i to'u nei mai.

Maitoro. E haapao tatou i te ture tabito.

Mare. E feia aroha mau teie. Ua taio vau i roto i te hoe Vea i te hoe mau parau iti no tana mau faaau raa e te hoo raa toa na ratou ra, te faaite maitai, e ariiro teienei mau faaau raa ino, ei pohe no ratou, te rahi nei te maua raa o ta ratou mau taata; e rahi roa, ta ratou tana e pau i te papaa; e faufaa i na nainai roa te roa mai ia ratou. Navaia ra tana pohe rai hooa maitai ratou? Na ratou iho, e e te ta vetahi e: no ta ratou iho mau ta ahu rarahi i pohe ai ratou. Te tarahu roa nei ratou i te mau pahi rarahi, mai te ite ore e e hooa ia ratou. Te taata e ravea toa i te taata mai te tarahu, na ite noa hia ia e, e pohe tona ahiri outou i na reira iho te imi eiaha e ta rahi faahou i te taata e papaa; te manao nei au, e ore e roa roa ora outou i tana ati rahi no outou na. I teienei ra, aita tu e ravea, e tuu i teienei parau i te hau ra, te vai ra tana ravea e maitai ai ta outou na na mau faaau raa, e te hoo raa toa.

Peretiteni. Ua na te ravea, ua faatia to te Apoo raa, e tuu i teienei ani raa i te hau ra, nana e imi.

Papa. No te faane raa a te peretiteni, ua taio mai oia i te hoe ani raa, na Tahia, no te mau fenua farii hau i Punaania; e tuu te hoe tau fenua tei faariro hia e to te apoo raa i te tahi matahiti i oti aenei i rapae, e te fenua hoi i faatia hia i te fare o te orometua, tei faariro hia ei toa na te taata toa, no te mea te parau ra oia; e oia iho te fatu no tana mau fenua ra.

Ravaai. Ua oti maitai roa teie nei mau fenua farii hau i te tahi matahiti i oti aenei e eita e tia ia tatou ia parau faahou i te reira, mai te mea ia faahuru e tatou i te hoe vahi iti, e riro ia te rahi roa te ani raa e tae mai i mua i to tatou nei aro no tana mau fenua ra; e aha ihora te hopea? Riro atura ia teienei ture maitai, tei faatia hia, ei faore i te peapea i te mau matacinnaa, e te hoi faahou ra tatou i roto i tana mau peapea tuutuu ore. Te manao nei au, e eiaha teienei ani raa e faatia hia, ua oti a, ua oti.

Tani. Mai te mea na te apoo raa i tui i roto i te farii hau ra, eita ia e tia ia i parau faahou hia. Teienei ra farii hau i parau hia nei, ei farii hau na te orometua, e vahi taa ore ia ia o; e tuo paha ia i te taata fenua a.

Rivani. Te maururu nei au i te parau a teienei iriti ture i parau iho nei; te farii hau orometua ra, e parau taa e a ia; te vai nei rā: roto i tā tatou nei mau ture te hoe irava no te reira mau fenua, aore taua ture ra i faariro ei farii hau, te parau rā; e taoa na te taata toa no te mataeinaa, e e ore e tia ia faariro e. Te au atoa nei ia'u, te haapao i te reira ture, atira noa'u i reira. eiaha imi faahou hia.

Teaatoro. Aita roa tau nei e parau no te mau fenua farii hau, e ore e tia ia tatou ia parau faahou i te reira, uaoti roa ia. Oia toa hoi teienei farii hau orometua e parau hia nei, te faaita maira te irava hoe note ture: ia haere taua orometua ra, te vai ra te fenua e te fare, no tei monomahana. E mea tia i tou nei manao, ia imi tatou i teie nei parau, e e tuu ae i teie nei fenua i te tataa fenua mau ra.

Paeauu. Hio mai nei ai te tabu iriti ture nei, no reira vau i tia mai ai; aita paba oia i manao i tona iho fenua na riro atoa hoi tana, i voto a i teienei farii hau a Punaania nei. Ore noa tu ra tona manao, e titau a vau i tau. I naha pai teie fenua, i faito noa hia i na taata toopiti.

Ravaui. E fenua mau ia tau, na riro i te farii hau, e ore ra vau e noumou atu, no te mea, na tatou iho fararā ei ture; io nei atoa hoi au i taua mati ra, aita hoi au i ta, e a ae i teienei fenua i reira.

Papa. Vaihoroa te mau fenua i faariro hia ei farii hau i te tabu matahiti i oti aenei, eia a roa ia parau hia. Area ra teiegei farii hau orometua nei, e i tatou i te parau no reira, e e tuu ae to tera fenua i to tera rima.

Teaatoro. Ua faatia i te parau a Papa, oia toa Tani e Mairoo.

Mare. A hio maitai mai na choma, e ture oti teie; e piti totoa, te tahi no te matahiti 1848. E te tahi no te matahiti 1852. Ua taio mai i taua na ture ra.

Ote. E peu haapao hia i te mau fenua marama toa, e faata a i te hoe maa fenua ei faatia raa fare pure raa, e ei faatia rei hoi no te fare o te orometua. E peu tia roa ia, ia manao a iho tatou, no te mea, ia faatia te hoe mataeinaa i te fare pure raa i nia i te hoe maa fenua, e ia oti taua fare ra, na haere maira te taata fenua, e ua tau mai ia hopoi e hia i te hoe vahi e, nabea i hora te taata no taua mataeinaa ra, riro atura to ratou rohirohi, ei rohirohi raa faufaa ore. No reira teienei ture i faaere ai i te taata fenua mau, i faariro ai ei taoa na te taata toa. Mai te mea ra, ia manao te tavana e te hui raatira no taua mataeinaara; e afai taua fare pure raa ra, i te hoe vahi ei roto i tana mataeinaa ra ei reira teienei fenua; e hoi faatou i te taata fenua mau ra. Mai te mea ia manao outou e faaore atu a te ture i faatia-

hia, a imi mai i te hoe irava ei mono mai i teienei ture. Ia ore outou ia na reira, te faatiara ia outou ia rave te hau i te hoe ra vea e, e ore ia outou e maururu i te reira.

NO IE MAU AUA HAU.

I te mahana maa i mairi aenei, i uta mai ai to Hitiara i na paero umara e toru aburu aore, o tei rave hia mai no roto i te aua hau otei reira mataeinaa. No te mea hoi e, te huru rahi roa nei te pahi i roto i te ava i teienei anotau, e mahere taua umara ra i te hoona otoi roa hia.

Te hoo atoa hea nei hoi te umara no roto i te aua a to Pare e te Arue.

I te monire i mairi aenei i afai mai ai toopiti tau taata no Punaania i na haplec arahu 120, hoe hanere e e piti ahuru, o tei hoo hua hia mai e te hau i taua mahana ra; roaa tura i taua na taata rii ra, na farane e 338 ei hoo i te arahu raa ra.

Inaha e hōna ia nō n rahi i rohia ohie noa. Ua i te patoa i oi outou e, e ere tei reira te ohipa rahi. Ua na reira toa hoi te manao o teienei tau taata, e inaha tura te utua o ta rana ohipa. Ahiri to te mau mataeinaa toa, e faaitoito atoa na i te imi raa i tei reira mau ravea e moti hiai ratou, oi pue, e na ia ta ratou, e oi ruperuepe e na te fenua uei.

Te mau pahi i tapae mai, mai te mahana 25 mai a no Atele.

Tira piti Rimatara o *Haruira* tapena Temaeva mai Rimatara mai.

Tira piti no bora bora o *Patea*, tapena Parkinson mai Bora-Bora mai.

Manua nanai piti farani o *Laforge*, tomara de Miniac, e te atimarara ra o M. Febrier des Pointes, mai Kalao mai.

Tira piti manua farani o *Hydrographe*, tomana Parchappe, mai Huahine.

Tira hoe no Huahine o *Plepe*, capitana Morino, mai Huahine mai.

Te mau pahi i reva.

Tira piti farani o *Hanah*, capitana Bennette, na reva i Paumotu.

Tira piti farane o *Perle*, na reva i Paumotu.

Tira piti farani o *Marie-Louise*, na reva i Paumotu.

Te eē no te Tavara: BRIOT.